

Herodes) ego decollavi: & quis est iste, de quo talia audio, & in quo discipuli sui tot virtutes operantur? & quærebat videre eum. Ex Matth. 14. vers. 12. Marc. 6. vers. 14. 16. Luc. 9. vers. 7. 8. 9.

*I. C. cum Apostolis fessis & esurientibus in desertum Bethsaidæ secedit.*

LXXI. Et ait Apostolis: Venite seorsum in desertum locum, & requiescite pusillum, (erant enim qui veniebant, & redibant multi) nec spatium manducandi habebant, & ascendentem navem, abierunt in desertum Bethsaidæ trans Mare Galilææ, quod est Tiberiadis. Quod cum cognovissent turbæ, secutæ sunt eum pedestres de omnibus civitatibus, quæ videbant signa, quæ faciebat super his qui infirmabantur, & vidit turbam multam Iesus, & misertus est eis: & illos docuit de Regno Dei & eos qui cura indigebant, sanabat. Matth. 11. vers. 13. 14. Marc. 6. vers. 31. 34. Luc. 9. vers. 10. 11. & Ioan. 6. vers. 1. 3.

*I. C. sub vespere, quinque panibus hordeaceis, & duobus piscibus virorum millia quinque saturavit.*

LXXII. Vespere facto accesserunt ad Iesum discipuli ejus, dicentes: Desertus est locus hic, & jam hora præterit. Dimitte illos, ut euntes in proximos vicos, & villas emant sibi escas. Iesus autem dixit eis. Non habent necesse ire, date illis vos manducare. Responderunt ei, Non habemus hic, & ducentorum denariorum panes non sufficient eis. Est autem puer unus hic qui habet quinque panes hordeaceos, & duos pisces: sed hæc quid inter tantos? qui (Iesus) ait, Afferte mihi illos huc. Et cum iussisset omnes discumbere super viride fœnum, per centenos, & quinquagenos; acceptis quinque panibus, & duobus piscibus, aspiciens in cælum, benedixit, & fregit, & dedit discipulis suis, ut ponerent ante illos: duos etiam divisit pisces. Et manducaverunt (ex iis) omnes, & saturati sunt, & sustulerunt reliquias fragmentorum duodecim cophinos plenos. Manducantium autem fuit numerus, quinque millia virorum, exceptis mulieribus, & parvulis. Matth. 4. vers. 15...21. Marc. 6. vers. 35...44. Luc. 9. vers. 9. vers. 12...17. Ioan. 6. vers. 5...13.

*I. C. cum turbæ eum regem facere vellet, jubet discipulos navem ascendere, & præcedere se trans fretum. Ipse montem ascendit ad orandum.*

LXXIII. Illi (qui ex panum & piscium multiplicatione saturati erant) cum vidissent quod Iesus fecerat signum, dicebant, Quia hic est verè Propheta, qui venturus est in mundum. Iesus autem cum cognovisset, quia venturi essent, ut raperent eum, & facerent regem. Ioan. 6. vers. 14. 15. Compulit discipulos ascendere in naviculam, & præcedere se trans fretum, donec dimitteret turbas, & dimissa turba, ascendit in montem solus

orare. Vespereque facto solus erat ibi. Matth. 14. vers. 22. 23. Marc. 6. vers. 45. 46. Ioan. 6. vers. 15. 16.

*I. C. discipulos agrè navigantes sequitur ambulans super Mare; Petrumque, ut sequeretur se per aquas petentem; venire jubet, diffidentem servat, & ascensa navi tempestatem sedat.*

Ut autem sero factum est, descenderunt LXXIV. discipuli ejus ad Mare, cum ascendissent navem, tenebræ jam factæ erant, & navicula in medio mari, vento contrario flante, magnis jactabatur fluctibus, & circa quartam vigiliam noctis venit Iesus ad eos ambulans super mare, & proximus navi præteribat: illi autem putantes phantasma esse, præ timore clamaverunt. Statimque Iesus dixit, Ego sum. Nolite timere: Respondens Petrus, dixit: Domine: si tu es, jube me ad te venire super aquas. At ipse dixit, Veni, & descendens Petrus de navicula, ambulabat super aquam, ut veniret ad Iesum. Videns autem ventum validum timuit: & cum cœpisset mergi, clamavit, dicens: Domine, salvum me fac. Iesus extendens manum, apprehendit eum, & ait illi: Modicæ fidei: quare dubitasti, & cum ascendissent in naviculam cessavit ventus. Matth. 14. vers. 24...32. Marc. 6. vers. 47...51. Ioan. 6. vers. 16...20.

*I. C. appulit ad terram Genesareth, & egrotos undecunque allatos sanat.*

Et statim cum transfretassent venerunt in LXXV. terram Genesareth, & applicuerunt, & cum egressi essent de navi, & cognoverunt eum (Iesum) viri loci illius; percurrerunt, & miserunt in universam regionem, & attulerunt in grabatis eos, qui se malè habebant, & quocumque ibat, in vicos vel in villas, aut civitates, in plateis ponebant infirmos, & deprecabantur eum, ut vel fimbriam vestimenti ejus tangerent, & quicumque tangebant, salvi fiebant. Matth. 19. vers. 34...36. Marc. 6. vers. 53...56.

*I. C. venit Capharnaum, ubi turbas supervenientes edocet de se Pane cælesti, & de Vita æterna.*

Altera die, turba, quæ stabat trans mare, LXXVI. vidit quia navicula alia non erat ibi, & quia non introisset cum discipulis suis Iesus, sed soli discipuli ejus abiissent. Cum ergo vidisset turba, quia Iesus non esset ibi, neque discipuli ejus, ascenderunt in naviculas, & venerunt Capharnaum quærentes Iesum. Et cum invenissent eum trans mare, dixerunt, Rabbi, quando huc venisti? Ioan. 6. vers. 22. 25.

Tum eos edocet Christus de Pane cælesti, five Pane vitæ, qui sit ipsemet Iesus-Christus, cujus Caro cibus esset, quem oporteat manducare, & cujus Sanguis potus, quem oporteat bibere: ad cujus verbum duriusculum ali-